

# लाहना

साप्ताहिक पत्रकारिता, शैल्या आदर्शकता

LAHANA WEEKLY वा:पो

सा:गु भिंगु मरिचरिया नितिं लुमंका दिस्सं !



लक्ष्मण गामाल 'चिलिमि'  
प्रोप्राइटर

लाखा छेँ  
LAKHA CHHEN

सोहखुटे, वडा नं. १६, येँ, फोन नं.: ४६६०७५८

## थुकि दुने



सुकुम्बासी : राजनीतिक पार्टीतय् देन दिल्लीप शाही 'शान्ति यज्जु' - २



य:मरिलिसे स्वानाच्वंगु थीथी दर्शन जितेन्द्रविलास बज्राचार्य - ३



य:मरिया विशेषता व छ्यला प्रेममान डंगोल - ६



किपूया इन्द्रायणी जात्रा ब्लोअप ४-५

# देयन्यंक सुकुम्बासी मुद्दाय् बहस निर्वाचन आचारसंहितां सुचीकरणय् टिलाइ

वंगु मंसिर १२ गते थापाथलीया घटना धुंका: यैय् जक मखु, देयन्यंक हे सुकुम्बासीया मुद्दाय् बहस न्ह्या:गु अवस्था दु । सामाजिक संजाल चाय्कि अथवा टेलिभिजन, पत्रपत्रिका रेडियो, अनलाईनलिसेया संचारमाध्यमय् समाचार स्व, सुकुम्बासीया हे खँ खनेदयाच्वंगु दु, ताय्दयाच्वंगु दु ।

मंसिर १२ गतेया दिनय् यै महानगरया डोजर थापाथलीया सुकुम्बासी बस्ती वंगु व वयां लिपा सुकुम्बासीतय्गुपाखेँ यै महानगरया नगर प्रहरीतय् सांघातिक आक्रमण हे जुइधुंका: सुकुम्बासीतय् पक्ष व विपक्षय् यक्व हे स: दनाच्वंगु दु । विशेष याना: अप्पां कय्केगुलिसें खुकुरीलगायतया हतियार हे ज्वना: नगर प्रहरीतय् आक्रमण या:गु विषययात अप्वा:सिनं आलोचना हे यानाच्वंगु दु । थ्व इलय् सुकुम्बासीतय्गु विरोधय् न्ववानाच्वीपिन्सं सुकुम्बासीया नामय् हुकुम्बासीतय् सं रजाई यानाच्वंगु धयाच्वंगु दु । परि स्थितीयात दुवाला: स्वयंबलय् थ्व खँ गलत नं खनेमदु । थ:त सुकुम्बासी धासें महानगरया डोजर पनेत विरोधय् कुहांव:पिं गुलिखे मनुतय् ल्हातय् तत:पुगु लुंयागु ब्रेसलेट, अंगु खनेदु, गपतय् सिख: खनेदु । थ:त पिडित धासें संचारमाध्यमय् न्ववा:पिन्सं थम्हं हे गामय् थ:गु जग्गा, छैँ दुगु, थ:के गाडी दुगु, थ: सन्तान विदेशय् दुगु धा:गु दु । छैँ, बुँ, सम्पत्ति दुपिं, आर्थिक रुपं सम्पन्नपिं मनुत सुकुम्बासी गथे जुइ धइगु न्ह्यस: दनीगु स्वाभाविक हे ख: ।



बाबुराम भट्टराई प्रधानमन्त्री जूगु इलय् सुकुम्बासीतय् तय्गु नितिं धका: नागार्जुनय् अपार्टमेन्ट थें भवन दय्कूगु ख: । व अन च्वनेगु निवेशन बीत नं आह्वान या:गु ख: । दकले न्हापां ३५० धइथे मनुतय्गु निवेदन ला:गुलिइ सुयां नामय् सम्पत्ति लुयाव:सा जफत जुइ धा:बलय् व ल्या: कुहांवया: १७ जक थ्यन । थ्व ल्याखं थ:त सुकुम्बासी धयाच्वीपिंमध्ये वास्तविक सुकुम्बासी १० प्रतिशत नं दु कि मदु धका: न्ह्यस: दनीगु स्वाभाविक ख: । वास्तविक सुकुम्बासीया

पहिचान जुइमा:गु खँय् राष्ट्रिय भूमि आयोग यै जिल्ला अध्यक्ष श्यामकृष्ण प्रजापति सहमति क्यनादिल । उकिया लागिं थ:पिन्सं लगत संकलनलिसेया ज्या न्हापा हे न्ह्याकेधुनागु तर निर्वाचन आचार संहिता लागू जूगु अवस्थाय् लगत संकलनलिसेया सकतां ज्या दिकेत निर्वाचन आयोग निर्देशन बीधुंका थ:पिं सुम्क च्वनेमा:गु प्रजापतिया धापू ख: । वंगु भाद्र २९ गते भूमिहीनया लगत संकलनया लागिं धासें आयोगपाखेँ सूचना नं जारी जूगु ख: । २९ गते सूचना जारी

जुयाकथं ३० गते हे निर्वाचन आयोगपाखेँ लगत संकलनलिसें सकतां ज्या दिकेत निर्देशनलिसेया पत्र व:बलय् थ:पिन्सं ज्या दिकेमा:गु प्रजापति जानकारी बियादिल । 'सुचं वयाकथं जिमित निर्वाचन आयोगं आचार संहिता लागू जूगु अवस्थाय् लगत संकलनलगायतया दक्वं ज्या दिकेत निर्देशन जारी जुल । तर मेगु छुं हे निकायलय् थुकथंया निर्देशन मवं, भूमि आयोगयात जक छाय् थ्व निर्देशन बिल व ज्या याकेमबिल, व धा:सा मसिल' प्रजापतिया धापू ख: । वंगु कार्तिक २५ गते अधिकार सम्पन्न वागमति सभ्यतां भिन्हुया अल्टिमेटम बिया: बागमति खुसि सिथय् टहरालिसें दक्वं संरचना खालि याय्त सुचं जारी जूगु ख: । आयोगयात ज्या याय्त पना: निर्वाचन आचार संहिता लागू जुया हे च्वंगु दनिगु अवस्थाय् थज्या: सुचं गुकथं जारी जूगु धका: नं प्रजापति आश्चर्य क्यनादिल ।

उगु सुचं जारी जुइधुंका: नं थ:पिन्सं पटक पटक समन्वय व सहकार्यया नितिं छलफल यानागु ल्यां ७ पेज्य

## शैक्षिक गुणस्तर च्वन्हयाकेत सहमति



यै महानगरपालिकाया शिक्षा विभागं शैक्षिक क्रियाकलापयात व्यवहारिक व जीवन उपयोगी दय्केत थीथी स्वंगु संस्थालिसे सहकार्य सम्भौता या:गु दु । उपप्रमुख सुनिता डंगोल, प्रमुख प्रशासकीय अधिकृत बसन्त अधिकारी व शिक्षा सल्लाहकार रेशु अर्यालया रोहवरय् शिक्षा विभागया प्रमुख रामप्रसाद सुवेदी त्रिभुवन विश्वविद्यालय,

केन्द्रीय गृह विज्ञान, कारखाना समूह व वन्यजन्तु संरक्षण संघ नेपाललिसे सहमति पत्रय् हस्ताक्षर या:गु ख: । निगू पक्षपाखेँ केन्द्रीय गृह विज्ञानया प्रमुख प्रा. डा. जयालक्ष्मी प्रधान, कारखानाया निर्देशक सचेत मानन्धर व वन्यजन्तु संघ नेपालया निर्देशक सञ्जीवनी योजनपिसं ल्हा:चिं त:गु ख: । सम्भौता धुंका: ल्यां ७ पेज्य

Trendiest Fashion  
At Price You Love

ufo

488939244704

राम प्रजापति  
प्रोप्राइटर

हारती मिठाई भण्डार  
(इच्छा शाकाहारी)

कालिमाटी चोक, टंकेरवर मार्ग, काठमाडौं ।  
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।



## नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्ट्यल भी फुक्कं हे छम्ह जुइ धुन  
भीगु लागाय् भी स्वयं हे जः जुया धुन लुइ धुन  
ह्यांगु भूमिइ अष्टमण्डल ह्यांगु चाः दुने थी नगु  
भीगु नेवाः ध्वौय् थ्व हे खः ज्यान भी सकस्यां छगू  
जातितय स्वायत्त राज्य लुइ कपं च्वय् भिलिमिलिं  
राष्ट्र भःभः धाय्क न्ह्याके भीगु चःति भीगु हिं

## सम्पादकीय



### ज्यापु दिवस व यःमरि पुन्ही

थिलाथवया पुन्हीयात नेवाः समुदायं यःमरि पुन्ही धकाः  
हनावयाच्वंगु दु । नेवाः समुदायं थुगु न्हि नेपाःमितय मूबालि कथं  
कयातःगु वा दुकयाः न्हगु वा कुथिया पूजा यानाः हनेगु याइ  
। मूलरूपं धुक्या पूजा यानाः दच्छितक नयत्वेनेत मगाःमचाः  
मजुइमा धइगु तातुनीगु थुगु नखःया मूनसा ज्वलंकथं कयातःगु  
यःमरिया नामं थुगु न्हिया नां च्वनाच्वंगु खनेदु । नेवाः  
समाजय नखःलिसे स्वाःगु नसाज्वलंलिसे स्वानाः नां तयातःगु  
नखःचखलय यःमरि पुन्ही (थिला), सकिमिला (मना) पुन्ही  
(कछला), समय पुन्ही (यंला) खनेदु ।

बुँज्यालिसे स्वानाच्वंगु स्वनिगःया आदिवासी धयापिं  
ज्यापु हे खः । स्वनिगः दुने बुँज्या याइपित ज्यापु धयावयाच्वंगु  
दु । थ्व ल्याखं बुँज्यामिया हिचःति हाय्काः सय्कूगु अन्न  
दुकयाः उकिया पूजा यानाः हनीगु थ्व नखःया दियात ज्यापु  
दिवस धकाः हनेगु चलन थनिं भिगुदँ न्ह्यःनिसें न्ह्याकूगु खः ।  
ज्यापुतय म्पेशालिसे स्वानाच्वंगुलिं ज्यापुतयगु विकासया निंतिं  
स्वनातःगु ज्यापु संस्कृति विकास कोषया न्ह्यलुवाय् ज्यापु  
दिवस न्ह्याकूगु खः । थुकियात २०६५ सालं राष्ट्रिय दिवसया  
मान्यता बी धुंकाः थुकिं ब्यापकता काःगु खः । थुगु दियात  
ज्यापु दिवस धकाः धाय् ज्यू कि मज्यू धइगु न्ह्यसः थनीपिं नं  
मदुगु मखु । तर थ्व दिलिसे मरूपं स्वानाच्वंगु हे ज्यापुत जूगु  
ल्याखं थुकियात ज्यापु दिवस धाय् ज्यू कि मज्यू धइगु खँय्  
विवाद यानाच्वनेमाःगु अवस्था मन्त ।

यःमरि नेवाः समुदायलिसे हे स्वानाच्वंगु तःजिगु नसा  
ज्वलं खः । नेवाः समाजय बुइ न्ह्यवनिसें ज्याथ इलय्तक  
नं संस्कारय तर्क छ्यलाबुला जुयावयाच्वंगु नसा ज्वलं खः ।  
यःमरि नेवाःतय म्हसीकालिसे हे स्वानाच्वंगु दु । मचा प्वाथय्  
दइबलय् मांहेसित धौबजि नकीगु इलय्निसें यःमरि मदय्क  
मगाःगु नसा ज्वलं खःसा मस्तय् निदँ बुदिं प्यदँ बुदिं थुज्वःगु  
ज्वःदँय् मचायात यःमरि क्वखाय्केगु जक मखु, धौबजिलिसें  
यःमरि नं इनाबीगु चलन खनेदु । थुकथं हे किजापुजा, ज्याजंक्व  
आदि संस्कारया इलय् नं यःमरि मदय्क मगाःगु ज्वलं कथं  
कयातःगु दु ।

थुकथं नेवाः समाजं तसकं हे हनावयाच्वंगु यःमरिया नामय्  
स्वनातःगु यःमरि पुन्ही नेवाः समाजया हे गौरवया खँ खः ।  
नेवाः समाज दुनेया छगू महत्वपूर्ण समुदायकथं दुगु ज्यापुतयगु  
नामय् न्ह्याकावयाच्वंगु ज्यापु दिवस नेवाःतयगु हे छगू  
महत्वपूर्ण दिक्थं न्ह्यानाच्वंगु दु । नेवाः एकता न्ह्यब्वय्गु थ्व  
छगू बांलाःगु ह्वःताः नं खः । नेवाः एकतायात अफ्र च्वन्त्याका  
यंकेगु निंतिं ज्यापु दिवस नं छगू ह्वःताःकथं छ्यलाः न्ह्याः  
वनेमाः । भिगुक्वःगु राष्ट्रिय ज्यापु दिवसया लसताय् सकल  
नेपाःमिपिन्त भित्तुना देछाना ।

## सुकुम्बासी : राजनीतिक पार्टीतय देन



दिलीप शाही “शान्तिचञ्जु”

बागमति सभ्यता विकास  
आयोजनाया इनापय् यँ महानगरपालिकां  
थापार्थलिइ च्वंगु सुकुम्बासी थनेगु कुतः  
यायेवं उकियात कयाः बहस शुरु जूगु  
दु । थीथी ख्यलं यँ महानगरपालिकां  
सुकुम्बासी चीकेत्यंगु खँयात कयाः  
विरोध यायेगु शुरु जूगु दुसा गुलिखें  
सर्वसाधारण जनतां धाःसा बागमति  
खुसी सिथय् दुगु सुकुम्बासी  
चीकेमाःगु सः नं थ्वयाच्वंगु दु ।  
सामाजिक सञ्जालपाखे आपालं धयाथें  
सर्वसाधारण जनतां बागमति खुसी  
सिथय् च्वंगु सुकुम्बासी गुगुं नं हालतय्  
चीकेमाःगु धासें थीथी कथंया प्रतिक्रिया  
बीगु यानाच्वंगु दु । अफ्र गुलिखें  
सर्वसाधारण जनतां थीथी कथंया  
व्यंग्यात्मक भिडियो तयाः नं बागमति  
खुसी सिथय् च्वीपिं सुकुम्बासीयात व्यंग्य  
यायेगु यानाच्वंगु दु । अन सुकुम्बासी  
धकाः च्वनाच्वीपिं सुकुम्बासी मखुसें  
हुकुम्बासी जूगु व उमित अन चीकेमाःगु  
खँ धायेगु यानाच्वंगु दु । सुकुम्बासीया  
नामय् च्वनाच्वीपिं आपालं धयाथें मनुत  
थीथी थासय् छँ दुपिं धकाः उकिया  
प्रमाण सहित उमित अन चीकेमाःगु सः  
थ्वयेगु क्रम अप्चया वनाच्वंगु दु ।

यँ महानगरपालिकां सुकुम्बासी  
बस्ती चीकेत स्वःगु इलय् गुम्ह व्यक्तं  
नगरपालिकाया मिसापिं प्रहरीयात  
अप्पां कयेकूगु खः उम्ह मनु नेकपा  
एमालेया कार्यकर्ता जूगु दावी यासें  
उम्ह व्यक्तिया सम्बन्ध एमाले अध्यक्ष  
केपी शर्मा ओली नापं दुगु धासें किपाः  
तर्क सार्वजनिक यायेगु ज्या जुयाच्वंगु  
दु । उकथं हे यँ महानगरपालिकां  
बस्ती चीकेत वंगु इलय् खुकुरी  
ज्वनाः विरोधय् कुहां वःम्ह मिसा नं  
थ्व स्वयां न्ह्यः फुटपाथ चीकेत यँ  
महानगरपालिकां न्ह्याकूगु अभियानया  
विरोधय् वम्ह व्यक्तं जूगु पुष्टि  
जुइधुंक्कूगु दु । उम्ह मिसां फुटपाथ  
चीकेगु महानगरया ज्याया विरोध यासें  
फुटपाथ पसः चीकेगु खःसा यँया जनतां  
अंगः फ्ययेमाली धकाः धाःगु खः ।  
थुकथं यँ फुटपाथ लिसे सुकुम्बासी  
चीकेगु इवलय् खनेदुपिं व्यक्तं छम्ह हे  
खःसा थीथी थासय् उक्तिकं हे सक्रिय  
जुयाच्वीपिं जक मखु थुमिसं फयांफछि  
यँया गुलिं नं व्यापारिक वा बसोबासया  
निंतिं उचित बस्ती अज्याःगु थाय्  
कब्जा यायेगु कुतः यानाच्वीपिं खः  
धकाः यच्चुक सीदया वःगु दु ।

थ्वहे इवलय् यँ महानगरपालिकां  
सुकुम्बासी चीकेगु अभियान न्ह्याकेवं  
सरकारी निकाय दुने नं द्रन्ध्र ब्वलंगु दु ।  
छ्वे येँ महानगरपालिकां थःगु क्षेत्रय्  
आतिक्रमण जुयाच्वंगु भूमि लित कायेत  
अभियान न्ह्याकाच्वंगु दुसा मेखे सरकारी



उकथं हे यँ महानगरपालिकां बस्ती चीकेत वंगु इलय् खुकुरी  
ज्वनाः विरोधय् कुहां वःम्ह मिसा नं थ्व स्वयां न्ह्यः फुटपाथ  
चीकेत यँ महानगरपालिकां न्ह्याकूगु अभियानया विरोधय्  
वम्ह व्यक्ति जूगु पुष्टि जुइधुंक्कूगु दु । उम्ह मिसां फुटपाथ  
चीकेगु महानगरया ज्याया विरोध यासें फुटपाथ पसः चीकेगु  
खःसा यँया जनतां अंगः फ्ययेमाली धकाः धाःगु खः ।

निकाय हे सुकुम्बासी समाधान आयोगं  
सुकुम्बासी चीकेगुयँ महानगरया अभियान  
विरुद्ध न्ववायेगु यानाहःगु दु । सुकुम्बासी  
समाधान आयोगं नीस्वंगु ताः ई दयेधुंक्कूगु  
दु । तर आः तर्क आयोगं सु सुकुम्बासी  
खः सु मखु धकाः तर्क तिफ्याये  
फयाच्वंगु म्दु । म्होति नं बागमति खुसी  
सिथय् च्वनाच्वीपिं सुकुम्बासीया रहन  
सहन व उमित हनाच्वंगु जीवन स्वयेगु  
खःसा उपिं सुकुम्बासी मखु धकाः स्पष्ट  
जू । तर सरकारी निकायं इलय् ज्या  
मयाःगु कारणं यानाः सुकुम्बासी मखुपिं  
व्यक्तिपिसं अनाधिकृत रूपं कब्जा  
यानातःगु जग्गा तर्क खाली यायेत  
थाक्याच्वंगु दु ।

खय्फु बागमति खुसी छुं भचा  
सुकुम्बासी म्दुगु निश्चित रूपं मखु । तर  
समग्रय् स्वयेगु खःसा अन सुकुम्बासी हे  
म्दु धायेमाःगु अवस्था दु । छाय् धाःसा  
अन सुकुम्बासी धकाः गुलिं नं च्वनाच्वंगु  
दु । फुक्कं धयाथें स्वनिगः पिने वयाः  
अनाधिकृत रूपं जग्गा कब्जा यानाच्वीपिं  
हे खः । यँ महानगरपालिकां सुकुम्बासी  
चीकेगु धकाः अभियान न्ह्याकेवं थीथी  
सञ्चार माध्यमं उमिगु अवस्था धकाः  
समाचार च्वःगु खः । उगु समाचारयात  
जक आधार दयेकाः धायेगु खःसां नं  
अन सुकुम्बासी च्वनाच्वंगु म्दु । अफ्र  
उपिं फुक्कं धयाथें स्वनिगः पिने वःपिं  
खः । अले स्वनिगः थेंज्याःगु सुविधा  
सम्पन्न बस्तीइ बालं पुलेम्वायेक  
सुकुम्बासीया नामय् अनाधिकृत कब्जा  
यानाच्वीपिं खः । गुपिं बास्तविक  
सुकुम्बासी मखु । थःगु गांमय् च्वंगु छँय्  
बुं अथे वानाः स्वनिगलय् वयाः अपुक  
जीवन यापन यायेगु नामय् स्वनिगःया  
मुल्यवान जग्गा कब्जा यानाच्वीपिं खः ।

अन सुकुम्बासी चीकेत स्वयेवं  
थीथी कथंया च्वसु च्वयाः सुकुम्बासी  
प्रति सहानुभूति क्यनेगु ज्या नं जुयाच्वंगु  
दुसा मेखे देशय् थःगु नामय् छुं हे म्दुपित  
स्वयेगु दायित्व राज्यया जूगु धासें थुकथं  
नक्कली सुकुम्बासीया पक्षय् वकालत  
यायेगु यानाच्वंगु दु । अफ्र गुलिखें मानव  
अधिकारया नामय् उमित संविधानं  
प्रत्याभूत यानातःगु हक बीमाःगु धकाः  
बहसय् कुहां वयेगु यानाच्वंगु दु । तर  
थुकथं सहानुभूति क्यनाच्वीपिं अनया

वास्तविकतायात स्वयां नं क्षणिक चर्चाया  
निंतिं बहसय् कुहां वयाच्वंगु यच्चुक  
सीदु । सुकुम्बासी समस्या समाधान  
आयोगया कथं देय्यनकं १५ लाख  
व्यक्तिपिसं थःपिं सुकुम्बासी खः धासें  
निवेदन बियातःगु दु । थज्याःगु निवेदन  
बियातःगु दँ दँ दयेधुंकाः नं उपिं सुकुम्बासी  
खः कि मखु धकाः निकर्षाल यायेमफ्फु  
धइगु सरकारी अर्कमन्यता खः । सुविधां  
वन्चित जुयाच्वंगु जनतायात सुविधा  
बीगु खःसा तत्काल उकिया निंतिं ज्या  
न्ह्याकेमाः । तर आयोगं आः तर्क  
गुलिं सुकुम्बासी दु धकाः तर्क तिफ्याये  
फयाच्वंगु म्दु । अले थज्याःगु आयोगं  
म्दँ बिकाः सुकुम्बासी खः वा मखु धकाः  
तिफ्याइगु खः ? आयोग स्वयम् हे थःपिसं  
गुलिं ईया दुने ज्या क्वचायेकेगु खः धकाः  
धाये मफयाच्वंगु कारण छु खः ?

अनाधिकृत रूपं कब्जा जुयाच्वंगु  
थाय्यात खाली यायेगु दायित्व  
यँ महानगरपालिकाया खः । अफ्र  
दकलय् न्हापां अज्याःगु थाय् कब्जा  
याकेगु हे गलत ज्या खः । सरकारं  
अज्याःगु थाय् कब्जा यायेवं उकियात  
चीकेगु कुतः याःगु खःसा थौं वयाः  
थज्याःगु समस्या मदइगु खः । तर  
सरकार वा राजनीतिक पार्टीतयसं  
कब्जा यानातःगु अज्याःगु थाय् खाली  
याकेगु इवलय् थःपिंगु भोट बैक्यात  
लिच्वः लाइ धकाः अज्याःगु थाय्  
याकेगु ला गन खः गन अफ्र उकियात  
समर्थन यायेगु ज्या गुगु जुयाच्वंगु दु ।  
दकलय् तःधंगु गलत ज्या थ्व खः ।  
वंगु निर्वाचन न्ह्यः नं यँया १ नम्बर  
क्षेत्रया उम्मेदवार प्रकाशमान सिंह  
सुकुम्बासी चीके मजिउगु थेंज्याःगु  
खँ ल्हाःगु खःसा एमाले अध्यक्ष केपी  
शर्मा ओली सुकुम्बासी चीकेगु ज्या  
गलत जूगु टिप्पणी यानादीगु खः ।

समग्र रुपय् स्वयेगु खःसा  
नेपालय् सुकुम्बासी राजनीतिक  
पार्टीतय देन खः धकाः धायेमाःगु  
अवस्था थौं जुयाच्वंगु दु । मखु  
धइगु खःसा अनाधिकृत रूपं कब्जा  
याःगु इलय् उमित चीकेगु खःसा थौं  
सुकुम्बासीया नामय् अनाधिकृत रूपं  
सार्वजनिक थाय् आतिक्रमण याइगु  
विकराल समस्या थौं मवइगु खः ।





**बहना**

किपूया इन्द्रायणी जात्रा  
किपा : अद्वितीय महर्जन



# यःमरिया विशेषता व छ्यला



प्रेममान डंगोल



नेवाःत नखःचखःया  
ल्याखय तसकं  
तःमि । नेवाः संस्कृति  
व सम्पदा हलिम्ये हे  
लोकं व्हाः । नेवाःतय  
थीथी नखःचखः  
हनेगु भवलय  
व्हयइपुरसेव्वंक हना  
वयाचवंगु थव यःमरि  
पुन्हि बिस्कं विशेषतां  
जाःगु नखः खः । नेवाः  
संस्कृति व संस्कार  
नाप स्वापू दुगु यःमरि  
पुन्हिबलय दयकीगु  
यःमरिया थःगु हे पहः,  
थःगु हे मौलिक विशेषता  
दु ।

यःमरिया न थीथी विशेषता  
दुला ? छु छु दुले विशेषता ? धयागु  
यक्व न्ह्यसः दनेफु । यःमरि धइगु ला  
दयकाः नयगु ला खः नि । चिकुलाया  
इलय नयगु यःमरिइ चाकु दइगुलिं  
पोषकतत्व दइगु व चिकुलाया ई कथं  
क्वानावइगुलिं यःमरि नयबलय यक्व  
फाइदा जुइगु खः । थ्व हे ला खः नि  
यःमरिया विशेषता, मेगु छु छु दु ले  
विशेषता ? धकाः न्ह्यसः वयफु ।  
धात्थे धायगु खःसा यःमरिइ यक्व  
हे विशेषता सुलाचवंगु दु । भीसं  
वाःचायके मफयाचवंगु जक खः । अथे  
जुयाः थ्व यःमरि नयगु धयागु रहरबरं  
जक नया वयाचवनागु नसा जक ला  
खः नि धकाः धायमज्यू ।

दक्कले न्हापां भीसं यःमरिया  
परिभाषा अर्थात यःमरि धकाः गथे नां  
जून ? थ्व मरियात यःमरि धकाः नां  
सुनां बिल ? थ्व स्यूला यःमरि नयाः  
न्ह्यइपुका च्वीपिं न्ह्यु पुस्ताया ल्यासे  
ल्याय्महत्से ? धनसम्पत्तिया द्यः कुबेरं  
यःमरिया नां छुनाब्युगु खः । थ्व खँय् छ्मू  
धार्मिकतां जाःगु घटनां पुष्टि यानाःगु दु ।

धार्मिक, सांस्कृतिक, परम्परागत  
संस्कार व सामाजिक थीथी कथंया  
विशेषतां जाःगु यःमरि दयकाः नयगु व  
यःमरि दान यायगु चलन गबलेनिसें दुगु  
खः धयागु खँय् दुवालाः अध्ययन याना  
स्वयबलय यःमरि दयकेगु चलन पन्तिं  
शुरु जूगु खः धाइ । लिच्छवीकालीन  
इलय स्वनिगःया मनुत तराई वनेमाल  
धाःसा पन्ति जुकाः वनीगु जुयाचवन ।  
उगु इलय पन्ति देय् विकसित जुइधुकूगु  
जुयाचवन । पन्ति देशय् सुचन्द्र सुचन्द्र  
नांया छ्मू महाजन दुगु जुयाचवन ।  
सुचन्द्रया मिखां न्ह्याय्मदय्क बुँ दुगु  
जुयाचवंगुलिं वयात महाजन धाइगु  
जुयाचवन । बुँ यक्व दयाः महाजन  
जूमह सुचन्द्र महर्जन हे खः । महाजनया  
अपभ्रमस जुयाः महर्जन जूवंगु खः ।  
महाजन सुचन्द्र व तिरि म्येजु सुशीला  
निमह तिपु यक्व धनसम्पत्ति दुसां  
तःधं जुइमवाःपिं, सकसितं ग्वाहालि  
यानाः धर्मकर्म याय्माःपिं जुयाचवन ।  
बुँ वःगु यक्व बालीनालीं यानाः  
उल्लेख्य धनसम्पत्ति मुंकाच्वीपिं  
सुचन्द्रया निमहतिपु हे जानाः विष्णु  
भगवानया भक्तिभाव यानाचवनीगु अले  
निहंनिहं दान नं यानाचवनीगु । सुचन्द्रं  
सुनां छु पवन, वयात व हे दान बीगु  
यानाचवन हं । थथे जुयाः सुचन्द्रयाथाय्  
दान पर्व वइपिं न्हियान्हिथं अप्वयावन हं,  
तातापाक्कनिसें दान पर्व वयगु यात हं ।



यक्व मनुतयूसं दान काः वःगुलिं दान  
काःवइपिन्सं ताःहाकः इवः छुनाः हे दान  
काय्माल हं । अयनं सुचन्द्रं दान बिया  
हे चवन । थथे निहंनिहं दान बियाच्वंमह  
सुचन्द्रया नां दानीमह धकाः तातापक्क  
तक्क नं बयबय जुल हं । थथे यक्व दान  
बियाः दानीमह धकाः सुचन्द्रया नां बयबय  
जूगु खँ धनसम्पत्तिया द्यः कुबेरं सीकाः  
सुचन्द्रया परिक्षा काय्त मर्त्यमण्डलय्  
कुहांवल । कुबेरं थःत छ्मूह फ्वगिया  
रुपय् हिलाः भ्वाथःगु, थाय्थासय् ग्गु  
वसः पुनाः सुचन्द्रयाथाय् दान पर्ववन ।  
दान काय्त कुबेरं इवः छुनाच्वीपिं  
मनुतयगु इवलय् दं वन । दक्कले ल्यूने  
दनाच्वंमह फ्वगिं रुपी कुबेरयात खंकाः  
सुचन्द्र व वया तिरिमय्जु सुशीलां थःगु  
छँय् न्हूमह फ्वगिं पर्व वल धकाः लय्  
लयतायाः फ्वगियात लसकुस यानाः  
छँय् दुतयंकाः वयागु पुलांगु भ्वाथःगु  
लं त्वःतकाः स्नान याकाः न्ह्यु वसः  
पुंकाः सफा सुधर यानाः थःगु आसनय्  
विराजमान याकाः सुचन्द्रं क्वाःक्वाः  
छुनातःगु यःमरि नकेहल ।

सुचन्द्र व तिरिम्येजुं बुं यक्व  
अन्न दइगु व वहे अन्नपाखे थं थीथी  
कथंया मरिचरि दयकाः द्यःयात  
छायगु, थःपिन्सं नयगु अले मेपिन्त नं  
प्रसादकथं इनीगु जुयाचवन । थथे मरि  
दयकीबलय जाकिचुं छ्यलाः गबले  
द्यःतयगु मूर्ति दयकीगु, गबले थीथी  
प्रकारया आकारप्रकार वयकाः विष्णु  
भगवान, लक्ष्मी, कुबेर, गनेद्यःया नं  
मूर्ति दयकीगु जुयाचवन । अले वायागु  
भकारीइ तयाः पूजा याइगु जुयाचवन ।

सुचन्द्र महाजन अथे हे क्वाःक्वाः  
छुनातःगु यःमरि फ्वगिं रुपी कुबेरयात  
नकूबलय कुबेर लयतायाः थःगु रुपया  
दर्शन बियाः वरदान पर्व धाइ । अले  
सुचन्द्रं थःगु भकारीइ गबले नं वा म्त्वः  
मजुइमा धकाः पवनी । सुचन्द्रयाथाय्  
पर्व वइपिं सकल गरीवपिन्त नकेफय्मा,  
दान बी फय्मा धकाः थःगु भकारीइ

अन्न गबले म्त्वः मजुइमा, न्ह्याक्व  
लिकाःसां जायाचवनेमा धइगु सुचन्द्रया  
ईच्छा सीकाः कुबेरं थःत नकूगु मरि  
यःगुलिं थ्व मरिया नां हे यःमरि जुल  
धकाः नां छ्मू जुयाचवन । थुकथं  
यःमरिया नां च्वंवंगु खः धाइ । उगु  
इलनिसें हे यःमरि नयगु दिं यःमरि  
पुन्हिकुन्हु छँखापितकं मस्तयूसं म्ये  
हालाः यःमरि पर्व वनेगु चलन दुगु खः  
धाइ । यःमरि पर्ववनेबलय मस्तयूसं थथे  
म्ये हाली - 'त्यःछँत्यः, बकछँत्यः,  
लातापाता कुलिंचा जुसित्यः ॥ यःमरि  
च्वामु, उकी दुने हामु । ब्यूमह ल्यासे,  
मब्यूमह बुरिकुति ॥'

नेवाःत नखःचखःया ल्याखय  
तसकं तःमि । नेवाः संस्कृति व सम्पदा  
हलिम्ये हे लोकं व्हाः । नेवाःतय  
थीथी नखःचखः हनेगु इवलय  
न्ह्यइपुरसेव्वंक हना वयाचवंगु थ्व  
यःमरि पुन्हि बिस्कं विशेषतां जाःगु  
नखः खः । नेवाः संस्कृति व संस्कार  
नाप स्वापू दुगु यःमरि पुन्हिबलय  
दयकीगु यःमरिया थःगु हे पहः, थःगु  
हे मौलिक विशेषता दु । कृषि प्रधान  
देय्या नेवाःतय विशेष यानाः ज्यापुतय्  
पेशा धइगु हे बुँज्या खः । न्ह्यु बाली  
छँय् दुकायाः न्ह्यु वाया जाकिचुंयागु  
यःमरि दयकाः नया वयाचवंगु खः ।

नेवाःतयसं जक दयकाः  
नयाचवंगु यःमरि दयकेगु नं थःगु हे  
पहः दु । न्ह्यु जाकिं दयकीगु जाकिचुं  
लस्सा दइगु जुइमाः । चाकु व हाम्वः  
चुं तयाः दयकीगु शंख आकारया  
यःमरियात 'बायः' धाइ । यःमरिया मेगु  
आकार स्वकुं लाइ । थुकियात 'मायः'  
धाइ । थ्व मायःबायः धाःगु आगम  
परम्परा कथं श्रुष्टिया आदि पुरुष व  
आदि शक्ति, मां व अबु अर्थात मिजं व  
मिसाया प्रतिक खः ।

यःमरि पुन्हिकुन्हु हे न्ह्यु वा तयगु  
भकारीयात लक्ष्मी द्यः भाःपियाः पूजा  
यानाः उकीद्यःने जाकिचुंयागनेद्यः, कुबेर,

लक्ष्मी व थ्व द्यःतयगु बाहां तिछुं, कल्यु,  
ख्याः नं दयकाः तइ । यःमरि दयकेबलय  
ल्वहंचामरि नं दयकी । ल्वहंचामरि द्यः  
पूजा याय्त छ्यलेगु याइ । स्वनिगः दुने  
थीथी द्यःतयगु रथयात्रा वा खः जात्रा  
याइलबय नं ल्वहंचामरि, चतांमरि  
व यःमरि ह्वलेगु चलन दु । अथे  
ह्वलाहःगु यःमरि काय्फत धाःसा काय्  
बुइ धइगु जनविश्वास दु । मचातयगु  
निदं, प्यदं, खुदं, च्यादं, भिदं व भिनिदं  
बुन्हिबलय यःमरि माः क्वखाय्केगु  
चलन दु । ग्वःदं दुगु खः, वःगः हे यःमरि  
क्वखाय्की । १२ दं दइबलय १२ गः हे  
यःमरि क्वखाय्केबलय बाहेक निगः,  
प्यंगः व च्यागः यःमरि क्वखाय्कीबलय  
यःमरि दुने न्यागः आखय् तयगु चलन  
दु । थथे न्यागः आखय् तयगुया अर्थ  
पञ्चतत्व व पञ्चबुद्धया प्रतिक कथं  
कयातःगु दु ।

यःमरियात हे नं पञ्चतत्वकथं  
कयातःगु दु । अग्नि, जल, वायू, पृथ्वी,  
अग्नि, आकाशयात पंचतत्व धाइ ।  
यःमरि दुने पृथ्वीया रुपय् जाकिचुं,  
अग्निया रुपय् चाकु, जलया रुपय्  
लः, आकाशया रुपय् खाली थाय् व  
वायूया रुपय् हाम्वःयात कयातःगु दु ।  
आयुर्वेदया मान्यता कथं नं यःमरि यक्व  
हे पौष्टिकतां जाःगु नसा ज्वलं जूगुलिं  
हे जुइमाः, यःमरि दयकाः नयगु चलन  
भी पुर्खातयूसं दयकातःगु । यःमरि  
पुन्हिकुन्हु जक मखसं मस्तयगु जन्मनिह,  
मचा जंक्व, बुराबुरीतयगु जंक्व, प्वाथय्  
दुपिं न्ह्याय्मस्तयत्त धौर्बाजि नकः  
वनीबलय व गुथि पूजाबलय नं यःमरि  
विशेष कथं नयगु नकेगु याः । हेमन्त व  
शिशिर निगुलिं चिकुलाया ऋतु जूगुलिं  
मनुतयगु म्हाया नितीं पौष्टिकतां जाःगु  
नसा नयगु पाय्छि ई खः ।

छ्मू किम्वदन्ति कथं स्वयम्भू  
महाचैत्य दयके न्ह्यः नमूना दयकूगु  
जुयाचवन । व नमूना यःमरिया  
आकारपाखे काःगु जुयाचवन । स्वयम्भु  
महाचैत्यया क्वय् गुम्बज आकार तयाः  
च्वय् च्चका लूगु १३ गू भुवन सहितया  
चक्रवात खः धाइ । थ्व चैत्यया गर्भ  
दुने पञ्चबुद्ध दु । मचा जंक्वबलय  
क्वखाय्कीगु यःमरि दुने न्यागः आखय्  
नं पञ्चबुद्धया प्रतिक कथं तइगु खः ।  
स्वयम्भू महाचैत्यया उगु नमूना दयकूगु  
निह नं यःमरि पुन्हिकुन्हु हे खः धाइ ।  
स्वयम्भू महाचैत्य दयकूगु इलय  
पञ्चबुद्धया मूर्ति मद्दु हं, लिपा तिनि  
तःगु खः धाइ ।

## मिंतुना

नेवाःतयगु मौलिक नखः

यःमरि पुन्हीया लसताय

सकल नेपाःमिपिनि भिउसाँय व ताःआयुया कामना यासं

मिंतुना देछानाचवना ।

डा. महेशमान श्रेष्ठ

नेवाः न्ह्यलुवा

## मिंतुना

नेवाःतयगु मौलिक नखः यःमरि पुन्ही

लिसं भिगुक्वःगु राष्ट्रिय ज्यापु दिवसया लसताय

सकल नेपाःमिपिनि छँय् अन्नया भकारि गबले मप्वनेमा धइगु

मनंतुसं भिउसाँय व ताःआयुया कामना यासं

मिंतुना देछानाचवना ।

शरद कुमार डंगोल

समाजसेवी

## ज्यापु महागुथि नेपाः यलं प्रदेश सभासदपिन्त हन



ज्यापु महागुथि नेपाः यल जिल्ला समितिपाखें ने.सं. ११४३ थिंलाथ्व नवमी, २०७९ मंसिर १६ गते शुक्रबाः कुन्हु ललितपुर क्षेत्र नं.३ क पाखें बागमती प्रदेश सभाय् निर्वाचित जुइत ताःलाम्ह रघुनाथ महर्जन व ललितपुर क्षेत्र नं.३ ख पाखें बागमती प्रदेश सभाय् निर्वाचित जुइत ताःलाम्ह प्रेमभक्त महर्जनयात भिंतुना देखाय्गु ज्या जुल ।

प्रदेश सभाय् निर्वाचित जुइत ताःलाम्ह रघुनाथ महर्जन ज्यापु महागुथि नेपाः यल जिल्लाया नायः

जुयादिइसा प्रेमभक्त महर्जन ज्यापु महागुथि नेपाःया पुलांमह केन्द्रीय दुजः जुयादिइ । निर्वाचित जुयादीपिन्त नेवाः परम्पराकथं खैय् सगं बियाः कार्यकाल सफलताया कामना यासैं भिंतुना देखाय्गु ज्या जूगु खः ।

ज्यापु महागुथि नेपाः यल जिल्ला समितिया ज्याकू सातदोबाटोय् न्हापांमह न्वकू शरणगोपाल डंगोलया सभानायःसुइ जूगु ज्याइवः छयाञ्जे राममान महर्जन न्ह्याकादिइगु खःसा न्वकू बाबुकृष्ण महर्जन लसकुस यानादिइगु खः । अथेहे महागुथिया

केन्द्रीय दुजः अष्टमान महर्जन, महागुथि यलया संरक्षक ज्ञानकुमार महर्जन निर्वाचित जुयादिइपिन्त भिंतुना देखासैं थःथःगु नुगः खैं तयादिल ।

थःगु खैं तय्गु इवलय् रघुनाथ महर्जन स्वनिगलय् बुलुहुँ तनावनाच्वंगु नेवाःभाय्यात दक्क स्कूलय् स्थानीय विषयया रुपं पठनपाठन याय्फत धाःसा उकिया उत्थान याय्गु ज्याय् तःधंगु योगदान जुइगु बिचाः तसैं उकिया नितिं थःमह याय्माःथाय् तक फूगु पहल याय्गु बचं बियादिल । नापं नेवाःतयसं न्हिथं छ्यलीगु लवःकवः नं बुलुहुँ तनावनेधुंकूगु खैं न्हयथसैं उकिया सचित्र सफू पिकाय्फत धाःसा उकिया संरक्षण जुइगु बिचाः तयादिल ।

अथेहे मेम्ह सांसद निर्वाचित जुयादीमह प्रेमभक्त महर्जन नेवाः समुदायया भाषा, संस्कृति व संस्कारया प्रवर्द्धनया नितिं नीतिगत रुपं याय्माःगु ज्याय् बिशेष पहल याय्गु नापनापं नेवाः भूमि, अधिकारनापं स्वानाच्वंगु ज्याखैं न्ह्याकेगु नितिं प्रतिवद्ध दूगु खैं प्वंकादिल ।

## देय्न्यंक ...

प्रजापतिं धयादिल । छलफलया इवलय् अधिकार सम्पन्न वागमति सभ्यतालिसे ६ गते वैठक च्वनेगु खैं जूगु तर वागमति सभ्यतापाखें ६ गते सुथय् फोन यानाः आःयात वैठक मच्चनेगु धाःगु वय्कःया धापू खः । ' मन्त्रालयया समन्वयलय् छू प्रस्ताव दय्काः सुकुम्वासीलिसे वार्ताय् च्वनेगु कथं वागमति सभ्यतापाखें खैं वल । अथे खैं जुइधुंकाः ठिक हे जू नि धकाः सुम्क च्वनागु खः तर, १२ गते सुथय् जिमित छुँ हे जानकारी वा सुचं मब्युसैं अन डोजर यंकबलय् थज्याःगु अवस्था जुल । समन्वयया आवश्यकता मताय्कू खः वा मखंगु खः' प्रजापतिया धापू खः ।

समन्वयया अभावनय् मंसिर १२ गतेया थापाथली काण्ड जूगु खैं अध्यक्ष प्रजापतिं स्वीकार यानादिल । अधिकार सम्पन्न वागमति सम्भता व यैं महानगरलिसे थःपिन्सं पटक पटक यानाः खैं ल्हानाच्वनां नं समन्वय, छलफल मयाःसे एकपक्षीय ढङ्ग न्ह्याःवबलय् समस्या ब्वलंगु वय्कःया धापू खः । राष्ट्रिय भूमि आयोग गठन जुयाः ७७ गुलिं जिल्लाय् आयोगया जिल्ला समिति गठन जुइधुंकाः सुकुम्वासी समस्या समाधान व सुकुम्वासीतय् व्यवस्थापनया नितिं ज्या न्ह्याःवनाच्वंगु इलय् महानगरं एकपक्षीय ढङ्ग न्ह्याःवनाः समस्या भन जटील दय्काब्युगु अध्यक्ष प्रजापतिया धापू दु । सुकुम्वासीतय् व्यवस्थापनया नितिं धकाः यैं महानगर प्रमुख बालेन्द्र शाहं थम्हं हे ल्हाःचिं तयाः राष्ट्रिय भूमि आयोगलिसे सम्भौता याःगु अवस्थाय् थुकथं आयोगयात विना जानकारी महानगर एकपक्षीय ढङ्ग न्ह्याःवंगुलिं समस्या जूगु वय्कःया धापू खः ।

'वंगु भाद्र ९ गते सम्भौता जूगु खः । उकी भूमिहीन सुकुम्वासी, भूमिहीन दलित व अव्यवस्थित बसोबासीतय्गु लगत संकलन, लगत संकलनया लागिं आवश्यक पूर्वाधार तयार याय्गु, सहजीकरण समिति दय्केगु आदि बुँदात दुथ्यानाच्वंगु दु । थम्हं याःगु सम्भौता अनुरूप महानगरं छुँ हे ज्या मयाःगु खनेदत' अध्यक्ष प्रजापतिया धापू दु ।

आयोग व यैं महानगर दथुइ जूगु उगु सम्भौताय् महानगरपाखें मेयर बालेन्द्र शाहया ल्हाःचिं दुसा राष्ट्रिय भूमि आयोगपाखें केन्द्रीय अध्यक्ष केशव निरौलां ल्हाःचिं दयादीगु दु । सम्भौता धयातःकथं सहजीकरण समितिइ स्थानीय

तहया जनप्रतिनिधिपाखें प्रतिनिधि, थीथी राजनीतिक दलया प्रतिनिधि, मिसा, मचा अधिकारया क्षेत्रय् ज्या यानाच्वंगु संघसंस्थाया प्रतिनिधि तकं दुथ्याकेगु खैं दु ।

सुकुम्वासीया समस्या आःयागु मखु, ताः ई न्हयःनिसें थ्व समस्या ज्यो का त्यो जुयाः लानाच्वंगु दु । वास्तविक सुकुम्वासीया पहिचान यानाः उमिगु व्यवस्थापन याय्गुपाखे राज्य गुलि गम्भीर जुइमाःगु खः, व जूगु खनेमदु । सुकुम्वासी समस्या समाधानया नितिं ठोस पहल जुइ हे माः । सुकुम्वासीया नामय् हुकुमवासी च्वनावःगु खैं ला थापाथलीइ च्वनावःपिं मनुतय्सं हे नं धाःगु दु । उकिया नापं अन वास्तविक सुकुम्वासी नं मदुगु मखु । लिसें अपाङ्गता जूपिं मनुत, मिसा, मस्त, ज्याथःजिथिपिं तक नं अन दु । वास्तविक भूमिहीन सुकुम्वासीयात म्हसीकाः उमित माःकथं माःथाय् व्यवस्थापन याय्माःगु ला द हे दु । लिसें वास्तविक सुकुम्वासीतय्सं नं यैं हे च्वने दय्माःगु अडान मयाःसे साथ बियाः न्ह्याःवनेमाः ।

## शैक्षिक गुणस्तर...

नुगःखैं तसैं उपप्रमुख डंगोल, व्यवहारिक व प्रयोगात्मक शिक्षापाखें शैक्षिक गुणस्तरय् रुपान्तरण याय् चाहे जूगु कन । 'जिमिसं स्यू गुणस्तरीय शैक्षिक क्रियाकलापया लागि गुणस्तरीय शिक्षण माः । थुकिया नितिं पर्याप्त पूर्वाधार व योग्य जनशक्ति माली । थःगु ख्यलं ज्या यानाच्वपिं साभेदारलिसे सहकार्य यानाः जिमिसं लिच्चः पिकाय्गु कुतः याय् ।'

ब्वनेकुथिइ सय्केगु दैय् सय्कूगु ज्ञान व सीप हे जीवकाछि लुमनाच्वनी । थ्वहे इलय् सय्कूगु सीपं यक्व मनुतय्गु जीवनया लक्ष्य दय्कूगु दु । उपप्रमुख डंगोल धयादिल, 'थथेजुगुलिं नं जिमिसं ब्वनेकुथिइ ब्वनीपिं मस्तयूत जीवन म्वाय्फइकथं दृष्टिकोण दय्के फइपिं दय्के ।'

यैं महानगरपालिकां शैक्षिक रुपान्तरण यायूत स्वयाच्वनागु दु । थुकिया नितिं महानगर याकःचां ज्या यानाः गाइमखु । शिक्षण सिकाईयात प्रभावकारी दय्केत, शिक्षण व सय्केगु दथुइ छु मगाः, सीकेत जिमिसं उगु लागाय् ज्या याइगु संस्थातय्सं न्ह्याकूगु खः ।' ज्याइवलय् महानगरया शिक्षा सल्लाहकार अर्यालं धारणा तयादिल ।

## कृतज्ञता

## प्वंकाच्वना !



हनेबहःपिं मां-अबु, दाजु-किजा व तःकेहँपिं !

मंसिर ४ गते क्वचाःगु प्रतिनिधि सभा व प्रदेशसभा निर्वाचनय्

सूधः चिंयात विश्वास यानाः मतदान यासैं यल निर्वाचन क्षेत्र नं. ३ (१) पाखें छिकापनिगु अमूल्य मत बियाः जितः निर्वाचित यानादीगुलिं दुनुगलानिसें आभार देखासैं निर्वाचन परिचालन व प्रचारप्रसारया इवलय् ग्वाहालि यानादीपिं नेता, कार्यकर्ता लिसें समर्थकपिन्त दुनुगलानिसें सुभाय् देखानाच्वना ।

वइगु न्यादैं दुने जिं विकास निर्माणया ज्यायात छिकापनिगु सल्लाह सुभाकथं न्हय्ज्याकेगु प्रतिबद्धता प्वंकाच्वना ।

मा. रघुनाथ महर्जन

बागमति प्रदेश सांसद

यल क्षेत्र नं. ३ (१)

हरेक मंगलवार

राष्ट्रियताको लागि समर्पित



मेरो साप्ताहिक  
मचा साप्ताहिक Mero Saptahik

मालाः मालाः ब्वनादिसैं ।

## पत्रकार बालकृष्ण डंगोलया मां मन्त

लहनान्युजया ग्वाहालिम वरिष्ठ फोटोपत्रकार बालकृष्ण डङ्गोलया मां नानीमय्जु डङ्गोल ६४ दैय् मन्त । निला न्हयःनिसें वासः याकेगु इवलय् हरिसिद्धि क्यान्सर अस्पतालय् मदुगु खः । मदुम्ह नानीमय्जु डङ्गोलया निम्ह काय् निम्ह म्ह्याय् दी । पत्रकार बालकृष्ण डंगोल तःधिकम्ह काय् खः ।



## यलया मण्डिडों बुद्धमूर्ति पलिस्था



यलया मण्डिडो वडा नं. ११, न्हू-बस्ती, परियत्ति वक्तृत्वकला संचालक समितिया नायः एवं बौद्ध समाजसेवी मोतिलाल शिल्पकार व सकल परिवारजनपाखें शान्तिया कामना यासें, ६ फिटया ल्वहंयाम्ह शाक्यमुनी भगवान् बुद्धया प्रतिमा स्थापनायासें उलेज्या जग्गु दु ।

परियत्ति समितिया ग्वसालय् जग्गु ज्याइवः, श्रद्धेय अनगारिका अनुपमा गुरुमापाखें शील प्रार्थना यानाः न्ह्याका बिज्यागु खः । यल महानगरपालिकाया मेयर चिरिबाबु महर्जनया मूपाहाँसुइ जग्गु ज्याइवल्य मेयर महर्जनलिसें उपमेयर मञ्जली शाक्यपाखें उलेज्या याना विज्यागु खः ।

ज्याइवल्य वडा नं ११ या वडा अध्यक्ष अरोज कुमार खड्गी, बौद्ध समाजया विशिष्ट व्यक्तित्व, विभिन्न संघ संस्थानया नायःपिं, नामसंगिति खलः, ज्ञानमाला भजन मण्डल, मण्डिडों टोल विकास समितिया सकल दुजः व भाजु मय्जुपिनिगु उपस्थिति जग्गु खः ।

## भित्तुना



लहना मिडियाया भिचितामि **भाजु प्रेममान डंगोलया** काय् **भाजु डा. निरज डंगोलया** मय्जु अज्जु महर्जननाप जग्गु भिं इहिपाया लसताय् वय्कःपिनि तिपु जीवन सुथांलाक्क न्ह्यायेमा धइगु मनंतुसें भित्तुना देछाना ।



**लहना मिडिया**

खुसिबुं, येँ ।

१९ क्वःगु

राष्ट्रिय ज्यापु दिवसया लसताय् सकल नेपाःमिपिनि सुख, शान्ति, समृद्धि लिसें उत्तरोत्तर प्रगतिया मनंतुसें भित्तुना देछाना ।



**मंगलकृष्ण सिंह**

नायःलिसें

**ज्यापु संस्कृति विकास कोष**

सकल जः

ओन्दे, टेकु, का.म.पा.-१२ ।

**सभ्य समाजको पहिचान :  
लैङ्गिक हिंसा विरुद्धको अभियान**

लैङ्गिक हिंसा दण्डनीय अपराध हो ।  
कोही कसैलाई हिंसा भएमा निःशुल्क फोन  
नं. १०० र ११४५ मा उजुरी गरौं ।

२०७५ मंसिर ५ गतेदेखि मंसिर २४ गतेसम्म  
हुने लैङ्गिक हिंसा विरुद्धको १६ दिने अभियान  
सफल पारौं ।



नेपाल सरकार

**विज्ञापन बोर्ड**



**छत्रपाटी निःशुल्क चिकित्सालय ( अस्पताल )**

'स्तरीय गुणम स्वास्थ्य सेवा सबैको लागि, असाहायको लागि मात्र निःशुल्क'

**उपलब्ध सेवा**

- २४सी घण्टा सेवा
- इमरजेन्सी
- प्याथोलोजी
- एक्स रे
- ई.सी.जी
- ओर्थोपेडिस
- अन्तरंग सेवा

**शल्यक्रिया**

- मोडिफिन्
- ज्वरन सन्तरी
- नाक सान घाँटी सम्बन्ध
- हाडबोनी तथा नासा सम्बन्ध
- बिना विरकार फिजाज क्लीको फन्ड सम्बन्ध

**बहिरङ्ग सेवा**

- मृद् रोग
- पेट रोग
- घुरोलीनी
- हृदी रोग
- बाल रोग
- क्यान्सर रोग
- बन्त रोग
- अर्बि रोग
- ज्वरन मेडिसिन
- सर्ब तथा यीन रोग
- नाक सान घाँटी रोग
- ज्वरन हृन्ध बेक जग
- पाइरोडिड
- नसुमेड

**अन्य सेवा**

- ड्युसिङ
- इण्डोस्कोपी
- कोलोनोस्कोपी
- फिजियोथेरापी
- ब्रन्डमाइण्ड कन्ट्रोल र टुको
- घुरोलीनी सन्तरी वना श्रमोगशाळा
- टि.एम.टि. इन्टर



**२४ घण्टा  
इमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९,